

四庫全書

史部

欽定四庫全書

史部

欽定南巡盛典卷一

詳校官國子監學正臣常循

欽定四庫全書

欽定南巡盛典卷上

天章

臣等伏考唐虞繼治依永和聲時幾勅命之作卿雲紉縵之章實開雅頌元音然不聞於方岳輯瑞之餘隨時紀事播為歌詠是以後世無傳焉若夫殷與時邁武有巡狩之篇吉日車攻宣著中興之盛刻石鼓而員獵游卷阿以矢音郁郁乎文于斯

為脩由今考之出于臣下頌揚休美者居多非必  
發自王言垂為世範也後代若秋風汾水之辭作  
於漢武以及摩崖勒石傳諸天寶行宮題壁紀自  
咸平不過寥落數篇傳為故事而且功德不足稱  
文辭不足述已欽惟我

皇上聰明睿智

聖學淵深

天縱多能博賅衆藝

萬幾之暇每以周情孔思發為詩文制作契乎苞符楷  
模垂乎金石喬喬皇皇既已輝雲漢而燦日星矣  
乃若

鑾輿臨幸當

省方問俗之餘摛文揆藻自辛未以逮甲辰六舉

時巡

天章炳煥如五音之迭和如六爻之發揮斧藻羣言囊  
括萬有備載

御製諸集共為天下臣庶所欽誦臣等恭錄  
篇詠謹以

時巡要旨為主或雨暘時若敬念

天庥或水土告功疇咨地利或廣

聖祖留題之韻

繩

武永懷或奉

慈徽掖輦之歡

孝思純篤若夫崇尚儒宗志切高山之仰懷柔岳瀆親  
頒勒石之文下至

獎勵臣工

忠愛黎庶凡茲名區勝蹟之

摘吟悉本對時育物之

至意用是一

遊一

豫鋪

金少曰  
卷一  
鴻藻而申景鑠實為自古帝王所未有洵足光昭

盛典垂示萬年臣等敬謹編次冠諸簡端誌

天章第一

辛未

直隸

山東

江南

詩

恭奉

皇太后南巡啓蹕京師近體言志

有序

茲乾隆辛未建紀之歲實

慈寧六旬大慶之年奉



遊豫以祝釐

皇祖聿垂燕翼省閭閻而行慶蒼生普被鴻恩將見農人

紅女呼嵩者繞

大安之興越水吳山卷畫者邀

王母之顧

精禋歲事王路載登成律七言克諧八韻

崇壇祈穀屆初辛

是歲雖祭於次辛而立春在正月則尚為初辛云

盥薦柴升秩

有倫仰冀瑤編書歲稔親扶

鳳輦舉時巡南人望幸心云慰

西母承歡願以申四海一家何德我

三朝厚澤久享民省方設教義經重覲后同衡虞典陳駘  
宕和風清始蹕依韋暖律營青春厯看麥隴勾萌達擬  
詠江鄉景色新法

祖悅

親厯休助六龍于邁豈辭頻

蘆溝橋

石橋卧凍波來往行人渡乘時每斷流狂瀾歸何處去  
歲決畿南至今困沮洳固愧人力為詎容諉諸數疏濬  
付河臣古今重防護

良鄉行宮作

冬前迴蹕因巡豫春孟登程為渡江兩月風光那爭異  
閑齋日影漸移牕

來往云何不惜勞勤民匪止為遊遨人文江左遙相望  
却慮經臨句未豪

十六年來塵保赤近光引領自輿情縱饒解澤輸蠶涌  
有慙去聲蒼生愛戴誠

浙東西及大江南分付韶光莫太酣指日六飛應駐蹕  
觀民餘暇試清探

良鄉行宮侍

皇太后宴兼陳火戲

梅信催人未可遲

江南梅花春半  
即盛故早起程

祈辛禮罷翠華移那無酬節同民樂且喜稱

觴是處宜風定紫瀾迎五夜春輝銀蕊燦十枝一家中外

嘉賓集

蒙古王公送駕者  
命隨一頓觀燈

依約觀燈上苑時

弘恩寺雜咏

遙瞻古樹蒼小憇禪房窈來往頗慣經新年景倍好寺  
縱臨通衢有僧住便靜此趣僧未諳翻謂莊嚴整闌黎  
重清規云是蓮池派指日經武林雲棲應好在丈室紙  
牕明依然昨景情却憐枝上鳥解報曉春生積素釀餘  
寒盆梅香正放叶琴薦墨壺清合是此中賞

每得新題句不同前詠時問伊老庭樹是爾啟予思

趙北口行宮作

初歲臨行館開韶景已妍會心即在此得句偶思前瓷  
鉢唐花茁紗縈銀蒜懸淀池冰未泮不必命虞舡簾捲  
和風細窗含嫩日明兩間供靜玩萬彙快新晴凍浦鳬  
仍聚春林鳥不驚文床淨槩几書史最怡情

命直隸總督方觀承加賑去歲被水諸郡縣詩以

示志

方春氣始和萬物欣榮滋翠蹕經黃圖施惠期惟時途  
次所歷覽閭閻恬熙嗟予未見者豈無嘆向隅叶去  
歲況多水懸釜飢難支沮洳未全涸播麥復失期致災  
莫諱咎救災要善為亦無別竒方加賑頻疇咨截漕及  
散金屯膏戒有司國以民為本舍是其愛誰民以食為  
天祈年夙夜孜

河間道中示直隸官

河間古瀛洲文物頗可觀前巡適災餘室家纔苟完版

築命代賑雉堞儼崇垣閭閻亦較盛敢并騰炊烟邇來  
幸屢熟繭帛粗免寒覽此心為慰申命親民官彼獻乃  
列藩詩書教尚敦熙朝際富庶教之勿畏難束濕術宜  
戒粉飾習並蠲豈弟行以誠感民亦匪艱佇待此戶封  
吾將鼓薰絃

微雪

微雪霏春宇輕寒峭憶車點林全發蕊著體旋融花未  
苦成泥澤方欣潤麥芽曉炊村墅裏縷縷裊烟斜



紅杏園

渤海經古邑芳園駐翠輦徘徊尋故蹟云昔日華館三  
雍曾著稱五經亦賴顯崇構早傾頽土階新拓展池臺  
取畧具琴書供靜遣物力毋亟勞容膝斯已善

賜山東巡撫準泰

山左前巡憶游饑吾民疾苦日思之三年休息今何若  
莫飾虛觀進頌詞

賜魏廷珍

高年引養客向日弼諧卿鶴髮猶然健葵心不改傾遂  
初孫著作樂志仲高平別後今三載刪裁可就成

路旁秋麥頗少切切有懷因示直隸官

去歲愁霖未涸泥延緣秋麥誤耕犁連阡那見青蔥滿  
入夏安期鬚穗低縱復截漕難遍及敢蘄解澤慰羣  
青郊餘潤春禽利好勸乘時舉趾齊

衍聖公孔昭煥來迎詩以賜之

挈族郊迎蹕路邊成人見汝忽三年

戊辰至闕里時昭煥尚幼

文宣

世澤垂千古克繼家聲慎勗旃

麥未萌

昨過畿田未見麥苗被隴以為秋潦未盡涸而播種者稀切切不能去諸懷進總督方觀承而問之始知去秋乘潤種麥者較諸往歲乃倍蓰至冬例驅馬牛踐食之當春萌芽益壯其尚未青蔥者則以今歲遇閏尚未發生時也問之耕氓亦然既慰於懷兼成是什

記我戊辰經畿南秋年被壠迎人綠今來曾未見蔥芊  
預恐餅餌或不足進彼大吏共疇咨謂因遇閏春令遲  
正月柳梯今未梯何獨麥萌過後時一言中窵吾解頤  
詢之老農同一辭聞言欣然笑相慰先事過憂毋乃遽  
我久課農意盡知於今仍有未知處

賜河東總河顧琮

堤遙工簡息洪濤無事常經智不勞泉閘湖垆善瀦洩

永期轉漕

去聲

濟十艘

過景州

城上遙看塔影孤  
輕塵不動雪微鋪  
三年兩度仍經此  
今日昔時頻感吾  
禿樹花如發  
溫卉青郊寒未茁  
春蕪蓋藏畧具雞豚息  
擊壤隨民得自娛

開福寺

紺宇現青蓮  
瞻遊取路便  
法雲垂四界  
花雨散諸天  
韶秀春光闕  
崇窿塔影懸  
禪房聊靜憩  
駒隙指三年

入山東境

不爭十里度平川。民俗全分齊與燕。稍因秋糧積困麓。  
更逢春色被原田。初晴日上籠輕靄。薄冷天低冪曉煙。  
運水北流津口近。那堪回首憶前年。

過德州

運水浮橋蝶竦懸。重邱城郭富人烟。觀民喜見千家聚。

問歲知逢五熟連。

戊辰春東巡時山左諸郡縣游饑之後戶鮮蓋藏流離之狀憫惻予懷於

是竭力賑恤更賴

天恩雨暘時若其秋遂有收已

已庚午春秋皆稔以是問問景象大覺改觀為之額慶

益凜持盈之懼云

調幕多慚休頌我書未有慶益祈

天十分心始三分慰次第評量驛路前

老黃河

導河積石至龍門華陰底柱建孟津播為九河入于海  
神禹舊跡堪指論後世因循漸南徙誰能障使歸其源  
又聞刷黃利深導義取其合毋取分一河猶時虞淤壅  
析而為九流難奔居今志古不盡同卓哉史遷垂名言  
復雪

風雪夜交加嚴寒切曉車紛霏迷玉海散漫捲銀沙縱

值年餘閏虞傷物茁芽謾云花信遲

去聲

農務重看花

閱本

印篆新年卜日開封章郵置速傳來宵衣旰食其常耳  
勤政親賢又勉哉毋作聰明循舊典不私耳目示親裁  
深慙端拱無為治問俗巡方歲幾迴

齊河道中作

厯厯齊郊已三日物力民情亦粗悉雞鳴犬吠達四境  
飢食寒衣足千室民風迴不與昔同信知敦俗由年豐



年豐余福災余罪此責豈諉諸羣工羣工邇來喻我意  
豐不偽陳災不諱但須終始以誠誠天必降康民受賜  
前歲流離即此民今來皆作飽煖人道路感謝爾莫頻  
尚冀風俗歸溫淳

恭依

皇祖南巡過濟南韻

春月南巡過濟城敬繩

家法念民生承

歡更冀增遐算後樂遑誇閱太平  
噉雁昔憐凋羽翼夢魚  
今喜兆豐盈不堪厯下馳遙望倩取村煙一片橫

填倉日作

俗節重填倉此日宜晴和朝來風日佳所喜占得禾青  
齊經數程氣象異昔過轉旋賴

天佑賑救知吏宜叶遂使三年間元氣復萬家叶煙村昔

年芳燈事今夕羅便與占民風姑弛金吾訶慼慼憶昔

人鵲華況嵯峨憶慧賢皇貴妃以乙丑是日薨逝而  
孝賢皇后又以戊辰春月東巡至濟南

抱病仙逝三年之間兩失  
故侶觸緒傷懷曷能已已  
尋思事固然舊緒徒延俄遠  
者戒一往毋為感慨多

長清道中作

雪後餘寒戀翠微  
春初薄暖愛晴暉  
山中曲折覘民俗  
不必匆匆策六駢

一水縈迴出崖口  
數橋迤邐度川頭  
幸他舉家千家足  
慰我思人幾日愁

童山處處是牛山  
孟氏名言想像間  
只有崗峯蒼翠好

清晞酬我片時閒

無風和霽曉烟輕  
閑冶嵐光幕地迎  
今歲春寒遲春事  
畧傳消息到長清

過泰山恭依

皇祖詩韻

纔看積雪消峯脚  
又覺輕雲翳日頭  
豈是山靈邀客住  
故教嵐氣作煙浮  
賡吟尚憶

堯登頂結攬遐思  
禹畫州阿那天門  
門左側雲巢三日  
我

曾留

雲巢岱頂  
行宮名

仄路盤旋出塞口岱宗俯視衆峯頭  
試思前度遊如在  
了識百年夢亦浮  
稍喜省方近吳會  
豈辭問路自齊州  
若云此地山川景只合驅車不合留

望岱廟

自有蒼精協震亨  
崇祠象設始誰成  
靈趨漢縣羣黎赤  
事紀茅家三弟兄  
香和岱雲千仞合  
鐘傳汶水十分清  
憑輿竭爾馳遙睎  
鱗繡郊原漸可耕

微雪

膚寸英英傍晚濃  
天花幾點下堯峯  
山靈都解標神異  
况是巍巍數岱宗

勾萌未發驗稊陽  
春早田功雪未妨  
獨慮扈行羽林衆  
豈無寒者薄征裳

天衣篋玉白皚皚  
合是合雲亭裏來

合雲亭在泰山之北

著樹繽

紛開且落先傳消息隔江梅

度汶水

汶水虹橋凍合津  
紐芽宿麥遲抽新  
心期鄧尉村前景  
背指天孫雲外皴  
往事總堪愁渺渺  
無生底必滯塵塵  
未忘只有勤民念  
餘概空花付夙因

### 喜晴

春月希逢是喜晴

春月北方每慮少雪  
雪足始喜晴故云

喜晴最利在新

耕原田遍潤應回霽  
草甲辭寒自向榮  
薄凌

去聲

一灣依

日脆徂雲幾縷逐風輕  
初韶景色行行近  
似為江南馬

### 首迎

蒙陰積雪恭依

皇祖詩韻

東來不是為登封繩

武南巡重飭農今日蒙陰仍積雪當年

聖藻並高峯

蒙山

岱宗東來數百里或宮或霍伏還起蜿蜒一氣結蒙山  
截嶺堂皇重見此惜哉濯濯之喬柯牛山之木亦嘗美



翠微風來生峭寒放乎琅琊意近是一遊一豫侯度昭  
彷彿其招在角微

望蒙山雪色再成

崇巒積雪昔年同

聖祖巡踪景仰中奄有海邦為魯鎮果然山下出泉蒙逢  
年民鮮飢寒色敷俗戶多淳朴風百歲熙和九州宴自  
惟何以繼

鴈功

過沂州

此州前者災尤重地處南游衆水歸縱未目經心倍切  
敢忘民務國斯依所欣逢歲蘇千里豈冀呼恩擁六飛  
銀鋪紅橋春日嫩高風遐想浴乎沂

題禹王臺

沂沐不相見神規禹所餘自從歸以壑誰復歎為魚績  
宣資堙障功惟利淪疏巍然石臺下即此溯權輿

郟城道中

龜蒙迴望數峯尖大野風光取次拈人意貪程催馬策  
晴曦送暖入車幬江聲迎客行行近詩趣和春旋旋添  
老幼初逢清蹕至羽林訶禁莫教嚴

示山東巡撫準泰

所過蘭山邾城上年畧被偏災之區見扶攜而來  
者雖無饑寒之色而室廬蓋藏究不逮他邑亟命  
加賑並未經過而亦係偏災之五州縣令分別加  
賑焉

蘭郊去秋潦竭賑早施惠今來閭閻稍幸起凋敝尚  
未臻盈寧終歲蓋藏計俗云民所艱青黃不接濟念此  
心忤忤豈靳沛恩濟加賑有常經隨宜善措置其餘五  
州縣歉收與此類雖非目所擊民瘼豈有異貧戶有等  
差布澤應次第毋使吏胥侵向隅或弗逮庶冀蒼黎蘇  
安心待逢歲

入江南境

裊裊東風拂面春乘春鑾輅舉時巡江南至矣猶江北

我地同兮總我民祇承觀方懷保切豈難解澤惠鮮頻  
更欣餘事尋文翰秀麗山河發藻新

恭依

皇祖示江南大小諸吏詩韻

聖人致熙皞鳳麟在郊輒而猶

所無逸巡方民隱剖於今四十年盛典未行久藐予蒙業  
安負宸為元首繩武仰

仁皇承歡奉

慈母逋賦二百萬蠲除惠農畝乘春發行旌皮軒道游後  
減從勅羽林修職戒典守閭閻期不驚比戶相睦友餘  
暇寄山水智樂仁者壽茲來匪豫遊

前徽勉無負

宿州道中作

觀民展義舉時巡澤國非遙路少塵畢雨箕風從好惡  
小廉大法勗臣隣就瞻一任扶攜至出入何須警蹕頻  
底事初逢如舊識本吾宵旰繫懷人

賜兩江總督黃廷桂

迎鑾衛警蹕建節久旬宣體我勤民德嘉卿率屬賢何  
須張錦帳惟喜閱鱗田細驗剛柔俗周諮豐歉年咸中  
方有慶虛已自無偏此地人文盛還淳尚勉旃

麥

盼從冀充寒遲茁看到淮徐綠滿田第一江山春好處  
十分梅柳色徒傳漸漸他日應藏雉縷縷於今欲起烟  
此是千家餅餌計羽林馳騎戒紛填

駱馬湖

濟運輸天庾防霖安地行相機資蓄洩惟謹度虧盈洲  
渚江鄉趣鳧鷖春水情六塘東達海切切念民生

度永濟橋

水退長橋未卧波垂鞭風裊跨虹過每聞行潦愁湔湔  
蒿目疏治竟若何

示總督黃廷桂

所過宿遷清河桃源三縣上年被水之區雖已加



賑茲經覽間閭益切軫念亟命再加恩卹並成是  
詩

三縣雖加賑經臨倍切情卹民寧過厚咨爾善推行貸  
種休償責興鋤莫誤耕所憐災歉後歡忭馬前迎

夜雨

夜雨入深更擅廬浙有聲却因詢土俗知亦利春耕地  
脈應餘潤花枝欲向榮所嫌泥濘甚輜重慮艱行

見新耕者

春郊叱犢一聲聲雨笠風簑最屢情憶似燕南還早作

去歲保陽見新耕者於二月下旬故云

喜從淮北見新耕煙花千里都應

讓銍又三秋冀有成望杏瞻蒲迎蹕路水田疆畝互縱

橫

中河

駐輦近中河朱欄俯綠波羣歌漕運利永賴

謨多

運口向在仲莊我家莊號為中河漕艘及商船利賴無窮云

皇祖指示命移於楊

繼述

夫何有遵循敢更過省方得知要遑復論其他

晴

入境逢晴和兩日繼陰雨渡河快曉霽

是日渡黃河

波平澹

容與黃流片刻過歡聲騰萬戶人意即

天心益凜無逸所

楊莊閭恭依

皇祖詩韻

景仰

先猷志有餘

御碑亭畔佇徐徐守而弗失由來事

前烈毋忘語豈踈

初晴暖日飈遊絲幾里金隄翠葆移露冕茅檐頻借問  
民間要欲得周知

渡黃河

去歲渡孟津兩岸隔五里今來渡淮安河惟里許耳岸  
寬流則平河窄流斯駛南河防塞多時聞疊浪起而我  
時南巡正逢晴日美盪槩越溜過安穩非昨比

天心明錫佑

河伯默相社平陵川氣黃紛擁雲容紫蔚芻象實雄詆  
蕩波偏彌永念平成功細度修防理

惠濟祠

玉構金隄神所憑辦香展謁肅虔增黃清淮又常資佑  
楫密芟長敢恃能夢雨飄初逢曉霽靈風恬不致波興  
漕艘來往稱庥應爭奉馨椒潔享蒸

閱河示總督高斌

澤國民生庶金隄

祖制垂來巡期善守底績貴無為持正裁浮議開誠集衆  
思問予何訓示志在五言詩

恭依

皇祖覽淮黃詩韻

御碑亭畔匯清黃仰溯

塗山疏濬方端拱九重遑自逸疇咨萬姓切如傷惟期繼  
述誠應勗亦曰流連慎戒荒高堰重蒙

皇考建千秋淮郡倚金湯

木龍

木龍制如鹿角枝梧交午其中編竹為幃置急流  
中水徑過而沙漸淤宋臣陳堯佐創為是法前代  
治河者未得其用近河員李昫陳之總河高斌斌  
用之遂著成效朕臨視河工目繫其制詩以紀之  
刊木遺來天用奇淤沙禦水兩兼宜密芟奚事濠橫浦  
曲岸居然漲遠涯鱗次常令波浪靜蟠拏那許蜈蚣馳

陳堯佐創高斌繼續奏安恬制永垂

閱高堰工有作

皇考重河防

神謨定廟堂帑金頒太府高堰衛維揚濟運南輸北安流

清漚黃申谷惟善守千載固苞桑

洪澤湖恭依

皇祖詩韻

翠華六度事非虛昏墊常憂淮與徐疏導遠同神禹蹟至



今民免歎為魚

閱河恭依

皇祖詩韻

清浦今來駐御營

神堯方畧仰天行  
河臣咨爾無多訓  
惟是丁寧勗守成

賜沈德潛

水碧山明吳下春  
三年契濶喜相親  
玉皇案吏今煙客  
天子門生更故人  
別後詩裁經細檢  
當前民瘼聽頻陳

老來底越精神健却外胎禽雪裏筠

清江浦

春江鳳舸駐沙濱南國風情領畧新  
白鶴紫霄皆福地  
枚臯趙嘏兩詞人韶光喜不藏隄樹綠  
意看將漾  
汴蘋  
邇日寫懷多韻語得無民事閒

去聲

咨詢

示江蘇政莊有恭

從來庠序儲才地觀國之光利用賓所貴  
清真兼雅正  
莫容牛鬼及蛇神  
春華秋實崇經術  
廷獻家修重大倫

自是此邦文勝質丁寧致勗務還淳

恭依

皇祖閱河隄詩韻

巡法重華典歡承

長樂宮河防惟

祖述民瘼更研窮石閘萬年固清江千里通

神堯復

神禹奕葉戴鴻功

過淮安城

初來南國為觀民水郡臨隄策騎巡富矣閭閻藏不匱  
彬哉士庶許還淳就膽特地千軍禁感頌還憐一念真  
共受春溫抒愛戴豈辭膏澤及時頻

高郵湖

淮南古澤國高郵更巨浸諸湖率滙茲萬頃波容任灑  
火含陰精孕珠符祥識隄岸高於屋民居疑地窖嗟我  
水鄉民生計惟罟罾蓼茨佐饗殮舡艫待傭賃其樂實

未見其艱亦已甚

船窓夜雨之作

聞道江南春雨多  
船牕點滴夜如何  
榜人預喜明朝路  
下水兼逢漲運河

零零浙浙滴波聲  
妙寫溟濛杳靄情  
今歲春寒便開霽  
曉看花未重江城

高飛迴雁下沙汀  
遠帶瀟湘音渺冥  
最是推蓬望漁火  
分明煙嶼點疎星

北地常稀好雨滋  
設教敷被信稱時  
麥鉞芄綠二千里  
幾旬關心付寤思

晴

見未見今聞未聞北  
南風氣殊分春逢雨  
易難逢霽風送船行  
更送雲不獨耕犁免  
沮洳頓教征棹豁氛  
氲明朝便近維揚路  
隱隱遙眉列翠紋

舟過高郵

黃帽發謳歌樓船穩  
運河塵心籌澤國極  
目賞烟波春

色柳梅綻江城士庶多

聖蹤隨處仰沙岸倚牂牁

香阜寺

維舟對晚春登陸初地水鄉經數程見山已快意土阜

縱無奇名與清涼配

是廢俗名  
小五臺

文殊無小大而人紛位

置丈室暫徂徨爐香綴烟穗

高旻寺

蘭若青蓮宇浮圖碧落天名灣真不愧

是廢俗名塔灣

埋雁亦

堪傳未縱晴明望誰忘言象詮金山不速客暫爾隱江

煙高旻寺塔晴明可  
見金山故戲及之

塔灣行宮恭依

皇祖詩韻

南來逐處仰

重華此日重教韻和麻但得一心常守敬從知四海永為  
家省方咨度惟耕織悅已奇衰戒鳥花數字行宮無藻  
績



昭垂作法恐其奢

夜雪晨晴

雨寒催夜雪風息報晨晴  
解事東皇惠生歡萬物情與

梅添朶纈積石潤雲英  
紆棹平山路同民愜此行

駐塔行

宮之次日由維揚郡城至平山堂遠雖稍紆喜值新晴一慰士庶瞻就之願故云

過維揚郡城

淮海維揚下下田  
茲看撲地聚人煙  
古今奚必無殊異  
豐嗇從來有轉旋  
藏富於民欣接轡  
返華以樸憶陳編

百年休養八埏清致此其難益慎旃

天寧寺小憩

昨朝望裏煙雲渺今日坐覺春光舒  
阿大中郎留別業  
優婁比邱得廣居  
鳥是南音真愜聽  
花欺北地無虛譽  
平山更在綠雲外  
俯暢樓牕却受虛

虹橋

綠波春水飲長虹  
錦纜徐牽碧鏡中  
真在橫披圖裏過  
平山迎面送香風

平山堂

梅花纔放為春寒果見淮東第一觀  
馥馥清風來月牖  
枝枝畫意入雲欄  
蜀岡可是希吳苑  
永叔何曾遜謝安  
更喜翠峯餘積雪  
平章香色助清歡

渡江駐蹕金山

南巡行慶奉

慈寧畫舸中流瞬息經  
浪靜風恬賴江若  
琳宮福地藉山靈  
西瞻瓜渡長煙白  
東挹焦山遠樹青  
拱讀穹碑欽

聖孝法貽百世慎聰聰

初登金山得句

萬疊銀堆一點青到來曠若換塵形奔騰揚子原標勝  
突兀金山更表靈劫外滄桑憑水閱空中樓閣借雲傳  
江天無盡心如爾頻使吟情入杳冥

亭臺俯瞰真無地星斗平臨別有天萬古豪吟誰造極  
一時勝覽若登仙方壺圓嶠逢今日伊闕轆轤忘去年  
而我先憂饒後樂何能福地久留連

遊金山寺用蘇軾兼效其體

平生不戒遊覽興西浮於洛東觀海輕舟風利過維揚  
此間初識有江在中流嵒嵒如補陀八功德水澄無波  
精藍信宿可留憇層樓阿閭何須多青雀黃龍盡收楫  
笳吹笙歌送西日帆檣遠近掛紅燈照入江天星點赤  
髯翁醉醒風雅魄奇句孤吟深夜黑

蘇詩有二更月落天深黑及江心似

有炬火明非鬼非人竟何物之句

信耶非耶漫強明中使使人人鬼驚

六百年來人莫識我偶拈麈答風物濫觴遠憶巴岷山

土鼓雲門拳石頑  
清賞憑高興未已  
烹茶更試中泠水  
金山寺恭依

皇祖詩韻

爪步登舟風日和  
金山景概實堪多  
此行詎止尋清賞  
繩

武思量應若何

登金山塔頂

拾級憑登雁塔尖  
北南形勝望中兼  
高盤鸛鶴天風勁

下鎮蛟龍江窟恬造極真教諸慮靜到斯何必百憂添  
許多勝概吟無暇歸棹重臨擬細拈

自金山放船至焦山用蘇軾韻

東坡材富大厦耽錢塘通守遵江南豪詞強韻寄磊落  
醉酹江月對影三我乘陽氣行時令吳楚越若農農蠶  
黔黎愛戴任瞻就何德至此翻懷慙金山泊舟憇信宿  
頭陀巖畔窺澄潭放舟焦山符勝賞長歌快誦心先酣  
興來走筆步其韻何殊喚起髯翁談底須樓觀北浮玉

但愛松竹籠虛龕江山本色乃在此靜寄飽厭山泉甘  
從來遠遊志士志豈辭多取貪夫貪餘杭此去讀奇作  
綴辭拙速吾猶堪江風五雨送征棹青雲迴望封禪菴

遊焦山作歌

金山似謝安絲管春風醉華屋焦山似羲之偃卧東牀  
坦其腹此難為弟彼為兄元方季方各騰聲若以本色  
論山色我意在此不在彼微風入江穀紋起從臣告我  
遊應止橋安舟險有名言曉人何不當如是叶須臾風



息日纔展焦先望幸意已勤輕舟減從聊攬勝不教警  
蹕呼紛紜三詔祠邊撫遺蹟瘞鶴碑側尋殘文交枝萬  
樹蔽白日造極俯瞰干青雲江聲澎湃山色氤氲東西  
亘界南北區分一條白水無斷續兩岸青山相吐吞焦  
山之遊不虛云詩成用詔聞未聞

三詔洞

衡泌棲遲風尚清蝸廬焚後一身輕千秋洞口傳三詔  
遁世微嫌未遁名

甘露寺和蘇軾韻

江曉風始息山芳春未闌江山有佳致助我尋清歡三  
詔別隱士萬騎擁材官捨舟而遵陸快控青驄鞍左右  
陸麥畦曲折朱木欄比日多舟居乘馬意為寬南仰峯  
崒摧北俯波渺漫尋筏步初地參礪標剝竿湧出宇寫  
蓮蹲來石貌獮蒲牢傳天監年月精鐫鑽其西踞筭峯  
卧龍籌阿瞞東東接象嶺鎖鑰壯雄觀六朝此割據訓  
練列卒團蕭梁更佞佛云益功德欄長廊扶嶮嶮拾級

暫遊盤居然得所思古殿猶善完猊鼎噴都梁鯨鱗剪  
綺紈莊嚴獲福果俗僧多誕謾天人下山節雲中翔且  
跚忽為驂者龍忽為翥者鸞如夢幻泡影一語真不刊  
小閣冠峯頂拂拂天風寒長煙一空碧騁目窮江干衛  
公栢何在空傳枝屈蟠更聞葬舍利七粒已出棺當時  
頗樹黨布金徒致歡地下遇董狐應梅跡未刊東坡詩  
中仙五字留吟安豪氣驅雄才力敵扶搖搏倚韻成長  
篇非欲為其難梅花率已發梅子何時酸重來應回首

無何一指彈

潤州道中作

山染青螺水綠涵今朝春色識江南  
迂途城市觀民俗暫捨舟行策玉驂

碧草新蕪接驛樓金山迴望鏡中浮  
詩人月旦非唐突第一江山果潤州

到處摩肩戶口多百年休養際熙和  
寒衣飢食人人願足食足衣壽若何

許渾別墅今何在猶道詩人丁卯橋便可進舟行廿里  
好乘京口晚來潮

戴顓宅作招隱寺雅合斯人高尚心玉藥唐昌自仙品  
誰知津逮此中尋

長江天塹古稱雄守險何如守德崇此日往來成坦道  
殷殷保泰惕予衷

射

艤棹河濱早抨弦弓手調旅登皆有度連中豈須驕

是日

發十矢  
中九

問俗來南國詰戎重本朝從行諸將士慎爾勵

勤勞

過常州府城

毘陵驛口駐飛驪城郭周巡六轡紆老幼歡欣稱就日  
江山風物已勾吳勗哉爾牧無胥怠弱矣斯民未盡愚  
戶口實繁蓋藏少隱憂水旱豈能無

寄暢園

輕棹沿尋曲水灣秦園寄暢暫偷閑無多臺榭喬柯古

不盡烟霞飛瀑潺湲近族九人年六百耆英高會勝香山

### 松風水月垂

宸藻昔日卷阿想像間

秦氏子孫迎駕者二十餘人秦孝然年九十實然年八十七敬然年

八十五勝然年七十壽然年六十六芝田年七十六瑞熙年六十一革田年六十東田年六十二九人六百餘歲又皆近族故五六及之

### 惠山寺

寄暢園中眺翠螺入雲撫樹濕多羅了知到處佛無住  
信是名山僧占多暗竇名亭相掩映天花澗草自婆娑

金定四庫全書 卷一  
闡黎公案休拈舊十六春秋一刹那  
寺僧有雍正年間在國明園內參禪者

駐蹕姑蘇

牙檣春日駐姑蘇為問民風豈自娛  
艷舞新歌翻覺鬧老扶幼翠喜相趨  
周諮歲計云秋有旋察官方道弊無  
入耳信疑還各半可誠萬衆慶恬愉

奉

皇太后遊虎邱即景



閒登海湧峯雨洗綠鬟濃古蹟多留詠春郊盡力農雲  
樓既虛殿月牖且從容最引予心慕

虞歌每每逢

誰云金寶氣化作虎邱山西踞膽湖墅東臨鎮市窰巖  
姿浮刻削澗響瀉潺湲聽法猶存石生公舊往還梅綻  
三分白麥抽千畝青飲泉思陸羽卓錫擬支硎雲菴石  
常潤風和草亦馨智仁山水德

樂壽頌慈寧

虎邱寺和蘇軾韻

曾聞沈恭子論詩虎邱嶺商周二千年逸事談井井平  
原為磨崖光怪龍蛇耿雙絕尋無踪累句紛鼃黽汲古  
得蘇詩兼金固在礦硬語出橫盤有似魚腸猛當年圖  
伯人志氣頗馳騁倏爾埋湏地濁子徒淒哽不及槃郢  
氣化石彈指頃行春喜初地不礙東風冷天水目與暢  
琴書興以永歸騎循蘭溪江城入雨景何當巖半閣坐  
弄新蟾影去留隨所適奚用山僧請

遊支硎

馬首見支硎迎人罨秀色一逕入松竹峯秀不可得到  
山始暢然環秀真奇特却失來時逕但見綠雲罨山川  
聚靈氣變幻曷有極迴向參世尊萬慮於以息石室及  
寒泉一一供遊歷支公鶴不聞空亭祇留迹

寒山千尺雪

支硎一帶連寒山山下出泉為寒泉淙淙幽幽赴溪壑  
跳珠濺玉多來源土人區分稱各別豈能一一徵名詮

蘭椒策馬尋幽勝山水與我果有緣就中宦光好事者  
引泉千尺注之淵泉飛千尺雪千尺小篆三字銘雲巒  
名山子孫真不絕用吳梅村詩意安在捨宅資福田槃陀坐對  
清萬慮得未曾有詩亦然雪香在梅色在水其聲乃在  
虛無間

聽雪閣

千尺雪之上架白屋三間水牕俯暢砵澍之聲滿  
耳跳激之勢謀目閣素無名名之曰聽雪而係以

詩

雪宜落天上云胡落澗底其源不可及千尺約畧耳三  
間白板閣占盡林泉美珠玉碎復完琴筑鳴無止澗葉  
冬不凋巖葩春似喜入望窈且深宜聽靜方始是合忘  
名言而復不能已

華山

問山何以分高下宜在引人詩興者遙瞻濯濯青芙蓉  
南嶂猶平堪跋馬登峯造極覽全吳却步烏道尋蘭若

左右泉聲上下雲間以踈梅秀而野厯險卽夷小憇留  
別室數字致瀟灑琅玕千個綠雲叢笙筑百道銀雪瀉  
我遊名山亦已多謂當無過田盤也此間松石遜怪奇  
梅竹彼應讓都雅兩山何用費較量夢寐他時總心寫  
恭依

皇祖華山詩韻

觀水有其術入山不厭深境無容俗混林豈受樵侵香  
遞英英朶聲喧命命禽

宸章垂琬琰胞與識

胸襟

駐蹕靈巖

塔影遙瞻碧漢中  
梵王宮側舊離宮  
觀民展義因時切  
石棧雲林有路通  
竹籟蕭蕭喧處靜  
梅花漠漠白邊紅  
太湖萬頃軒牕下  
坐辨洞庭西與東

靈巖雜咏用沈德潛韻

館娃宮

瓊宮號館娃  
艷歌復麗舞  
歡娛廿三年  
淒涼一塚土  
偶來尋舊蹟  
山徑步芳杜  
哲婦能傾城  
垌戒垂千古

琴臺

白銀世界中  
石湖言則然  
而我攬奇景  
其趣符昔年  
月出山寥寂  
風定波潺湲  
琴聲靜無聞  
雲局寄高眠

響屨廊

夾徑多長松  
度松漸豁敞  
伊昔構曲廊  
夷光留屨響  
屨響久不聞  
春烟蒙蔓莽  
小草設有知  
云見人來往



涵空閣

靈巖三百丈巖崿凌虛空高閣俯太湖鏡影澄微風吐  
納閱今古變化資魚龍清夜靜萬緣鐘聲下梵宮

吳王井

山下宜出泉云何於其頂行雲時吐英古魄幾留影子  
胥抱孤忠不食空垂綆徒傳艷冶蹟貽羞日月井

研池

石鼓淙天池清波澹泠泠扶欄成小憩春蘚匝梵青我

欲習揮毫古帖徒縱橫筆諫有名言豈事龍蛇驚

采香逕

采香勝采葛采葛行野露欣戚不同倫誰知繪後素倭  
墮籠春芳甲煎蒸曉霧坐看笠澤邊越師來薄暮

翫花池

山花落春風貼貼依溪谷底怪吳宮人鎮日翫不足紅  
顏已塵土蒼巖仍湛淥三復德潛詩吾心一以浴

鄧尉香雪海歌并命沈德潛和韻

鄧尉之名久詔吾鄧尉之奇今見初一四天下總在海  
都梁嫌山夫豈誣天風弄欵波濤泛春日淡冶漣漪舒  
目謀耳食已絕勝更惟鼻觀為模倣池韶秀復翥旬泌  
渠案衍還縈紆坐令甲煎嫌艷膩遠慮葱嶺非坦途山  
僧抱月眠初醒却踞道左紛相趨爾所羨者我厭久我  
所慕者爾厭餘乃知兩全信難得何妨一晌供清娛北  
眺虎阜南太湖南船北馬用各殊此間無可無不可滿  
坑滿谷酬所需林逋畢竟寒儉相但詠香暗及影疎德

潛黃山詫雲海咄咄香雪詎可孤東皇亦解助韻事春  
寒勒待今臨吳春寒勒待今臨吳平山何有見金夫

山平

鹽商雖種梅而今歲春寒到時始綻  
數英今正值盛放之時故戲及之

### 宴準噶爾夷使

渠搜入貢值巡方後隊隨行許觀光麾去招來遵我約  
羶裘帕額適其常三巡湛露申歡豫二月東風正艷陽  
深戒誇奢纏錦樹盈寧畧足示來王

### 夜雨

北方此際惟虞少南國今來却慮多祇論遊觀無不可  
重因農務望晴和

法螺寺

前朝跋山路法螺近咫尺却為遊華山竺菴暫虛擲靈  
巖今返蹕取便尋幽適北谷纔幾曲便覺仙凡隔石泉  
常似咽磴道不嫌窄別室亦瀟灑松竹有佳色微辨來  
時路下盤綠雲隙

再遊支硎

兩日靈巖巖果靈更尋光福叩雲扃如斯佳境安能盡  
不竭歡情慢久停旋命歸舟指吳會取便策馬憇支硎  
一天快霽予心暢下視方方麥坂青

舟發姑蘇

蘭鷁發胥江風平五兩雙霽天留曉月麥剡入蓬牕行  
閱溪山畫真稱文物邦具區空濶裏洞出洞庭雙

田家春興

湖山豈不美最喜是田家過雨修春未臨溪轉水車東

阡疋綠毯西陌簇黃花攬結真娛意端勝玩物華城市  
厭笙歌農謳愜聽多三時務耕織六畜富雞鶩高廩村  
場積新芻父老醅今年春雨足卜稔望晴和

紫陽書院題句

沈德潛主紫陽書院為乞額因顏之曰白鹿遺規  
并成是什

棧樸重育賢菁莪厓即俊矧茲文雅都造士方應慎書  
院號紫陽義蓋由慕蘭德潛縱懸車鄉教猶能振乞我


四字額更無他語訓白鹿有芳規氣貴消鄙吝學非養  
貧地貧乃士之分學復不重華乃實之蒙功或虧一簣  
山弗成九仞詩雖夙所耽不足示後進努力崇實修佐  
我休明運

平望

景霽風微湖似鏡輕帆廿里暢人心樓臺遠近稱吳望  
老幼扶攜漸越音澤滿魚蝦船作市地多桑柘樹成陰  
吾民庶矣思藏富惟有祈年志倍欽







欽定南巡盛典卷一

欽定四庫全書

史部

欽定南巡盛典卷二

詳校官國子監學正臣常循

欽定四庫全書

欽定南巡盛典卷五

天章

辛未

浙江

江南

山東

直隸

詩

入浙江境

午臨於越曉勾吳一水何曾易舳艫  
爾界此疆人縱別民胞物與我寧殊  
敢忘求莫心常切且喜行程春與俱  
萬姓尊親盈蹕路豈辭膏澤以時敷

烟雨樓用韓子祁詩韻

春雲欲泮旋濛濛  
百頃南湖一棹通  
迴望迷隄柳綠  
到來纔辨榭梅紅  
不殊圖畫倪黃境  
真是樓臺烟雨  
中  
欲倩李牟攜鐵笛  
月明度曲水晶宮

舟過嘉興

徐牽錦纜過嘉禾  
隱隱聞欸乃歌  
慢陟高樓傳八詠  
獨欣舊館號三過  
油花香入青葱町  
毛茛新浮澹沲波  
夾岸桑林數十里  
果然蠶事此邦多

賜浙閩總督喀爾吉善

巡吳于越便中過恐悞農桑候正和完賦自綠民俗美

不須重勉善催科

今南巡免江南積逋二百餘萬而浙江向無逋欠特加恩蠲免本年正賦

三十萬兩以示獎勵

尚書梁詩正之父壽屆八旬特加恩晉封一品詩

正適以扈從南還因許給假留侍旬月詩以賜

之

錫類榮加五色封扈隨侍養許從容膝前喜勝三特備

身畔先看一子從

其長子翰林梁啓心請告家居侍奉

盛世祥膾炙桑梓

高年人伯仲喬松教忠優老巡方志越水吳山瑞靄濃

三月朔日車駕至杭州駐蹕之作

今春初度茁初茁恰值餘杭翠輦停展義省方欽

祖烈承歡祝嘏奉

慈寧

三朝休養繁滋息萬里提封在戶庭覽彼就瞻心實切慚

茲懷保德非馨人文舊地風猶樸禮樂名邦教易型明

聖湖重瞻

聖藻飛來峯已送來青昌昌艷裔差無負濯濯林泉信有  
靈即漸風光臨上已便當觴詠賞蘭亭

巡幸杭州恭依

皇祖詩韻

銅龍不異日詢

安披輦吳山賞大觀烟火萬家來問俗春風三月暫遊鑾  
承顏悅志期無忝咨吏安民要在寬秀麗湖光豈無助



每成佳句亦增歡

恭依

皇祖吳山詩韻

崇巘襟江復帶湖俯臨萬井樂亨衢百年休養

三朝澤繼述予懷凜永圖

吳山大觀歌

我遊名山亦已多吳山大觀今作歌興安大嶺及長白  
嵩泰臺麓田盤窩諸山未兼江海勝此間曠覽俱遮羅

南北高峯走龍脈蜿蜒入郡成嵯峨琳宮梵宇許居下  
不許牆宇盤尖螺平列坎石鎮火患風從其俗無煩訶  
第一峯頭縱遐矚壯哉所見真無加叶左江右湖互環  
抱海氣蓊匐含羲娥維水有四三已具故富魚族蛟鼉  
鼉天吳陽候時出沒列缺豐隆相盪摩吳顛越躡閩興  
廢宋遷元伐紛諸訛只賸吳山青不磨吳山大觀今作  
歌

聖因行宮即景

離宮

當日詠春阿春暮巡方北重過遙岫開雲飛翠嫩叢蘭經  
雨送簷多平陵塔矗玲瓏影俯瞰舟迴漱灩波陶冶惟  
靈欣始遇遠風何處遞笙歌

檀欒修竹澗巖紆極頂軒亭俯碧湖真副其名非謬也  
不孤我詠則然乎請看春物因時豈能使神心與靜俱  
承志宮中養天下千秋萬歲奉

慈娛

放鶴亭

谿亭閑古坐斯須千載孤山信不孤豈必鶴歸識丁令  
恰因梅放緬林逋羸將白髮還蘇守留得青山與碧湖  
葛嶺當前漫相傲頑仙未必及潛儒

題小有天園

佳處居然小有天南屏北渚秀無邊如依妙鬟雲中佳便  
是超然却外仙幾曲澗泉纔過雨一園梅柳欲生烟  
坐來拈句渾難得不落空還不涉詮

淨慈寺

沿緣蘇氏隄霽景斷烟低遂造白禪所閒尋碧篆題堂  
圍曲屏嶂地是古招提翠竹籠僧戶芳蘭引客蹊巖扉  
如有約井木或無稽

相傳建寺時木取之井中此附會語也

策馬因還去

鐘聲隔嶺西

題敷文書院

松岡回首望祇園講舍層階喜得門氣助湖山鍾遠秀  
道傳孔孟有真源清遊祇欲心無逸名教何非樂所存

嘉爾青衿真濟濟嗣音實行勉相敦

題西湖十景

蘇堤春曉

通守錢塘記大蘇取之無盡適逢吾長隄萬古傳名姓  
肯讓夷光擅此湖

柳浪聞鶯

那論清波湧金

柳浪橋宋時在清波門外聚景園中康熙三十八年於湧金門南創建亭榭

聖祖仁皇帝御書賜今額名

春來樹綠陰深問關幾轉供清聽還

似年明步上林

國明園四十八景中亦有是明

花港觀魚

花家山下流花港著魚身魚蝦花最是春光萃西子底  
須秋水悟南華

曲院風荷

九里松旁曲院風荷花開處照波紅莫驚筆誤傳新榜  
惡言崇情大禹同

九里松旁有宋時麴院地多荷花遂有麴院荷風之名康熙三十八年構

亭臺石為盤曲之勢

御書匾

額易麴院為曲院荷風為風荷

雙峯挿雲

高不畏風雙髻垂天衣幾縷稱身披畫師若與開生面  
想見淡妝濃抹時

雷峯西照

何處高峯無夕照斜陽此地獨標名錢王遺跡猶堪指  
愛是山頭塔影橫

三潭印月

湛淨空潭印滿輪分明三塔是三身禪宗漫許添公案



萬劫優曇現聖因

平湖秋月

春水初生綠似油  
新蛾瀉影鏡光柔  
待予重命行秋棹  
飽弄金波萬頃流

南屏晚鐘

淨慈掩映對南屏  
斷續蒲牢入夜聲  
却憶姑蘇城外泊  
寒山聽得正三更

斷橋殘雪

想像銀塘積素餘湖光山色又何如近從趙北橋邊過  
一例風光入翠輿

錢塘觀潮歌

向聞錢塘潮最奇江樓憑几今觀之更聞秋壯春弗壯  
弗壯已匪夷所思兩山夾江龕與赭疊東長流逼東瀉  
海潮應月向西來恰與江波風牛馬江波畢竟讓海波  
迴瀾退舍如求和洪潮拗怒猶未已却數百里時無何  
於今信識海無敵苞乾括坤浴淵魄何處無湖此處雄

雄在奔騰旋蕩激，  
三葉及落三皆最。  
勝日期無淹，我來正值上。  
已節晴明遙見尖，  
山尖須臾黯雲容。  
作似是豐隆助海若，  
天水遙連色暗昏。  
倏見空際橫練索，  
旁人道是潮應來。  
一彈指頃堆銀堆，  
疾於風檣白於雪。  
寒勝冰山響勝雷，  
砰砢礧礧礧。  
統統哼哼吼噦噦，  
流離頓挫無不兼。  
迴幹旁噴極滂沛，  
地維天軸震撼掀。  
天吳陽侯挾飛廉，  
蛟龍鼓勢魚鱗遯。  
長鯨昂首虛其髯，  
榜人弄潮偏得意。  
金支翠旗簫鼓沸，  
忽出忽入安其危。  
但過

潮頭寂無事因悟萬里在人為持志不定顛患隨遲疑  
避禍反遭禍幾不見笑於舟師

竹素園

縱目湖山景游心竹素園社過春正麗

園在湖山  
春社西隣

西與

道俱存黛重雲根古淙鳴水樂喧沈思堪致遠得句異  
常言

清連寺

即玉泉  
觀魚

清連山裏寺泉石勝其餘坐近琉璃沼言觀翡翠魚

喁花湧浪潑刺玉濺裾遊客欣初見山僧道不如僧謂來

觀魚者搗鱸以飲舊曾見王畫內府有王淵畫魚頗得其妙可以悟

莊書無慮投竿者鱗中大隱歟

### 雲林寺

水盡山幽趣轉奇中宏恰當闢檀維明珠仙露垂乎

聖

寺內存

御筆

皇

布襪青鞵始者誰

用杜甫句意

僧足高閒宜

遠俗佛無揀擇曷居斯尋巖步屨吾原慣更覺雲深意

與遲

飛來峯歌

武林山高九十丈迴巒複壑含萬象舊時靈隱今雲林

靈隱寺康熙年  
間賜今名

月地雲居虛且朗天龍八部共諮議宜

有奇嵐作屏障

<sup>叶</sup>

調御丈夫破顏笑何須爾力勞鞅掌

惟西天竺靈鷲峯彈指飛來大方廣飛來閻浮人不識

碧眼胡僧識非誑

<sup>叶</sup>

恒河沙數無量物仍坐峯頭白毫

放但看相好及手印一一不異梵銅像劫萬億不飛去

鎮以佛力信無爽我來徒訝未前途玉削雲鏤相偃仰

怪石斜墜掛天紳異木倒生謝土壤猿吟鶴唳演摩訶  
不雜人間絲竹響竒境至此無更竒大士如如不動想

賜浙江學政雷鉉

衡文慎辨偽兮真兩浙湖山近八閩為汝便因養老母  
即斯推可教都人晷膏良苦毋驕貴藜藿曾甘莫忘貧  
佇見賓興皆碩彥近名宜戒致諄諄

翰林院侍講劉起振年一百三歲自粵東來浙迎  
駕詩以賜之

迨背聳隆肩來瞻路邊成名後梁灝

向聞起振老於場屋乾隆元年彼已

八十七歲矣因時恩賜以進士仍命選館至十三年壽躋百歲晉撫以聞故特賜令職

得壽擬彭

錢人瑞令猶古經傳後繼前越都無慮遠應是地行仙

### 題冷泉亭子

不礙靜中喧看取動時定小坐忘萬緣澹然滿清聽

### 韜光

雲林境已幽韜光幽更極蜿蜒盤雲逕仰視天一隙琅



金  
卷二  
玕輪尺圍過雨翠欲滴蔥蒨交風枝似掃行人迹野禽  
送春聲可見不可識猶嫌山寂歷間以泉淙石攀陟造  
其巔長烟一空白稍待烟旋消千里來几席近湖遠者  
江由江達海直足力不能窮結攬須臾得譬如虛空光  
其通乃在寒留茲片晌興酬彼萬古客

天竺寺

屈曲流泉繞石林到來竺宇暢幽尋了知說法無多子  
且喜入山不厭深七佛總空身語意三生誰話去來今

未能習靜催歸轡已聽鐘流雲外音

水樂洞用蘇軾韻

君不見三郎未辨涇與渭却厭絲桐淡於水又不見興  
公作賦強出頭目空一切低九州持示榮期高位置擲  
地金石聲應流都官別開聞思竅創名水樂俗人笑俗  
人笑博雅人喜致使東坡契清照錢塘春月駐巡轅烟  
霞嶺下鳴鈞天更道東陽亦有此相去不過兩郡間偶  
聞謂是招在徵即景成吟亦堪喜歸來跋馬蘇公隄至

今想像知音耳

理安寺

路盡九溪十八澗境奇三竺兩高峯  
香臺聽講來馴鴿靜室安禪制毒龍  
法雨淙常空色相岩花放不論春冬  
歸鞭却恐留清戀倩取白雲一片封

丁家山

又名蕉石鳴琴

綠蕉白石足天然勝李差桃關麗妍  
三日春光雨日雨一溪明水半溪田  
憑高恰喜逢初霽望遠何妨泮曉烟

鳥語泉聲間喧靜絲桐不鼓亦成連

虎跑泉

溯澗尋源忽得泉淡如君子潔如仙餘杭第一傳佳品  
便拾松枝烹雨前

象教開茲泉眼開共傳跑得藉牛哀感通亦自尋常耳  
記得前身曾飲來

開化寺

高嶺度南屏澗谷遵曲折出峽忽開豁川雲景復別蘭

若枕石磯葱蒨扶岵嶠佛宇既莊嚴精廬亦清潔結習  
未能忘隨喜試禪悅憑軒俯江濤似演廣長舌

登六和塔作歌

我遊西湖率三日樂矣慮非凜無逸會稽南望舉精禪  
宣命明當發清蹕穹塔鎮江久所聞到此不登孤良因  
振衣拾級陟其頂耳飫天籟衣濕雲海眼龍宮寂寥鎖  
江花雁堵香花妥之字長流罵向東月峯朝靄攬於左  
壯觀至是真空前那更息心安四禪杜甫添憂我添喜

境移所遇理則然

雲棲

一碧萬竿翠雙流百折澄竹泉行盡處門徑得來登磬  
禮悲心佛疇洛苦行僧鐘魚守本色拳拂謝多能矮屋  
常妨帽明珠不斷燈蓮池家法在六字括三乘

渡錢塘江

斛土千錢說就塘風恬日暖綵舟方一江吳越分疆界  
三月煙花正艷陽航葦誰曾見神異射潮未免話荒唐

漲沙南徙民居奠

海潮向逼北岸海寧仁和二邑塘工頗以為患近年來北岸漲沙湖汐南

徙遂慶

永賴神庥敬倍常

安瀾

謁大禹廟恭依

皇祖元韻

展謁來巡際

憑依對越中傳心真貫道底績莫衡功勤儉鴻稱永儀型  
聖度崇深惟作民牧益凜亮天上

禹廟覽古

得泣稽山峻言瞻禹廟崇碑文擬衡嶽井穴達龍宮問  
訊傳工部栖遲遇義公鋤于尋豈在空柱恨難窮帆石  
終隣誕梁梅久付空惟應敷土跡天地並鴻功

蘭亭恭詠

皇祖撫帖御筆

真膺操戈互誅攻

聖多能以不同同右軍設使瞻

仙藻定早傾心拜下風



自紹興一日渡江至聖因寺行宮

朝辭餘暨暮錢塘片刻長江穩渡航未免情殷戀西子  
不殊風便送滕王快晴乍覺烘山翠弦月遙疑釣水光  
十畝行宮遊不足憇閒命筆玉蘭堂

閱杭州旗兵

承平世恐軍容弛文物邦應武備明已向會稱陟禹迹  
便教浙水詰戎兵羽林舊將今誰是

皇祖駐蹕杭州閱武詩有羽林

舊將分防重之句

七萃材官古莫衡四十年重逢盛典行間踴

躍倍常情

登北高峯極頂

南北兩高峯北勝南始捨適除天氣佳峯頭一駐馬琅  
霄拂仙籟吳山皆在下江海一杯水向我眼前瀉滌盡  
萬慮塵何有閒愁惹巡檐古作無曲高和者寡

再至韜光題壁

前日坐韜光觀海窮境遠今日登高峯韜光又平坦以  
此識萬理進界無止滿徒愛境致幽輒復紆畫屨嵐翠

度重重逕險遵蹀蹀山鳥及山花夾道紛不斷松翻綠  
雲濤竹帶碧琅粉不歷百磴艱安知十里近山僧縱慣  
經和南笑而莞

雲林寺二十韻

靈隱古禪林佳稱乃自今

康熙

二十八年  
御賜今名

佛原泯名象

天與闢幽深竒絕驚初見清閒試重尋堯壘

北南  
峯

先陟

頂靜室

輻光  
卷

一開襟自內尤綜要居高總照臨澄懷參

月相對面賞雲岑稍憩塵中跡聊清物表心冷侵泉漱

玉靜聽澗調琴乍啓玲瓏竅憑吹金石吟

冷泉亭畔石竅人吹則鳴

呼猿時蹕洞招鶴早鳴陰辨茗傳初火

是日偶閱採茶焙焙之法

攀

松驗五鍼洞天窮窈窕乳竇注淙淙路盡忽開豁巖攢

復鬱森綫光常漏日鳥道欲捫參丹閉仙人竈草生王

母替栖嵒鑿龍象鎮海協祥祲蘿薜蒙櫛蔚雲霞護律

嶽認峯垂羽翼續句美球琳誰識西來意徒嗤門外音

便當旋翠蹕無逸以為箴

天竺

天竺近雲林便途因再至溪溯源更清竹當春益翠秀  
潤挹明湖澹泊標初地冷然磬魚聲颯爾烟霞意

湖心亭

無地樓臺鏡影空仙居蓬閣許舟通四圍景物蜃窓外  
三面山光雉堞東俯檻閒看魚畫水捲簾低引燕裁風  
坐看省識無邊樂奚必幽遐一一窮

觀採茶作歌

火前嫩火後老惟有騎火品最好西湖龍井舊擅名適

來試一觀其道村男接踵下層椒傾筐雀舌還鷹瓜地  
爐文火續添乾釜柔風旋旋炒愣炒細焙有次第辛苦  
工夫殊不少王肅酪奴惜不知陸羽茶經太精討我雖  
貢茗未求佳防微猶恐開竒巧防微猶恐開竒巧採茶  
竭覽民艱曉

開化寺再作

春事日以佳春遊興無數蘇隄桃李芳所玩近几席度  
嶺尋梵宮畧取幽趣適穹塔鎮吳江隔岸越山碧顧步

挹清芬騁懷寄寥寂境亦安能窮樂亦胡可極明當整  
歸轡留詩勒蒼壁

重訪雲棲即景雜詠

山寺雖多此寺幽持教清蹕重來遊洗心亭別仙凡界  
萬騎紛闌合著留

綠王參天逕幾迴石門烟月鎖莓苔蓮池塔院自千古  
奚事花幢坐墨胎

修簷深處小延俄又覺簷陰幾許過山鳥啁林還太古

野花繪壁自春和

淨土香光慧業薰弄藏法寶玩顏筋

是日觀寺中所藏董其昌書金剛經

真蹟蘭亭昨過相衡較真蹟何如王右軍

西湖行宮八景

四照亭

臨孤山對葛嶺山光塔影倒漾明湖舊有額曰雲  
峯四照因以名亭

孤山最高處更據聖湖中峯色迴環翠花光澹蕩紅隄



虹遙飲練波縠淨披風方喜竒全攬翻牽興莫窮

竹涼處

業篁深翳戛玉從金塵氣為之盡滌

日遙方過雨意入更逢涼聲是戛寒玉境還生靜香萬竿籠日照一線漏天光却羨山僧逸坐消九夏長

綠雲逕

由竹涼處曲逕西行喬柯石目不給賞雲氣時起

步孺間

逕紆探絕勝森秀入蒼雲  
苔迹時留印樵斤未許聞  
濛濛濕鶴毳濯濯潤螺紋  
謝傳東山好微嫌絲竹紛

瞰碧樓

樓俯全湖晴波綺縠搖蕩  
几牖有一碧萬頃之概  
覽景不嫌高山樓瞰碧濤  
雨晴皆合賞俯仰更無勞  
洗滌塵氛氣差排歌舞曹  
悠然會心所摘句亦因豪

貯月泉

水月清光互相映發平湖  
既以標勝山半一泓亦

先得月豈以大小殊觀

乳竇貯天池嫦娥小浴之一泓清且淺滿魄靜相宜未  
許魚龍混還欣松桂披廣寒合雲表消得夜眠遲

驚香亭

老桂森庭宛然臯塗精舍爰取驚嶺天香句意顏  
之

山水清暉蘊挺生仙木芳徒觀葉蔚綠因憶粟堆黃雅  
契惟期月敷榮却待涼何當秋宇下滿意領天香

領要閣

湖山幽邃不可勝窮畧觀大意差領其要

嵐靄朝晡碧湖山趣不窮一時期領要千古有高風借  
問雙峯側何殊六法中惟觀其大畧靖節許相同

玉蘭館

春巡至止值辛夷盛放即景紀事未知與輞川舊  
館何若

對峙白琳樹迎階為我開判春標雅致名館稱清裁一

晌教神往他時待客來舉王非慕蘭自分謝吟才

經嘉興問蠶事未興因而有作

杭嘉湖三府蠶事最盛者夾岸種女桑彌望無高下時  
節未穀雨攤烏尚早也三眠已不誤何慮繅絲寡周禮  
禁原蠶豈為桑與馬利戒不遺餘深意存非假時巡塵  
農桑勸課及春社插秧候正遙菜麥早遍野我更何所  
事拈吟清興惹

迴鑾至蘇州駐蹕

稽山修祀罷浙水省方迴道便舟重駐春深花盡開與  
情多春戀我意亦徘徊懷保相關處茲游益信哉

聽雪閣再題

據勝嘉其信美哉雪重此嬉春大珠小珠落澗徵招角  
鳴鈞境寂早寒衣袂景清迴謚心神新見桃花貼水却  
喜人非避秦

華山翠巖寺

鳥道黃緣上微風蘭蕙馨天花試禪意澗水演真經  
鷓鴣

下講堂白蓮擎佛鉢青千竿綠雲裏又得小延停

和沈德潛山居雜詩十首韻

德潛蘇人也家居葑門而搆別業於靈巖之陽適  
駐蹕於是山行宮欲訪其廬而未果茲當迴鑾故  
和其山居雜詩書以賜之且誌別也

遂初纔就賦選僻早成居香火聯新社承明憶舊廬對  
山開月戶問景入烟墟不可食無肉豈還經帶鋤曉達  
頭先白旁求姓早聞銅龍勞課子金馬重研文暫閱京

華景歸眠震澤雲省方欣便晤底事又重分雅稱幽人  
里常臨香水溪梁春看燕入埭曉報雞啼漫憶著簪舊  
堪醒巖電速齊眉鮮同老況汝賸梅妻碧海鯨魚掣老  
成許爾真陰鏗似奇句王翰卜佳隣支俸教終老持梁  
漫嘆貧優游林屋下可以答良辰江山數千里不隔在  
知心力豈勝簪紱閒堪校詠吟巖扉白雲迴門逕綠苔  
侵阿那北窓下無絃好蓄琴得友樂三益卜居號四宜  
有奇酬問字無病謝求醫雨後冬郊日春前西崦時籃



與惟一子便倩里中兒鬥茶傾石鉚載菊泛蘭船鶴侶  
宵談月鷗心波穩烟松姿依巘古鐘韻帶霜傳探勝無  
多挈惟將筆硯前吳下業書傭居然八十翁嗤枝鹿野  
曾侍玉鸞宮茆屋千山裏溪田一水通課耕時復出蓑  
笠雨絲濛盤石聊宜坐飛泉亦入聽來禽撫舊帖相鶴  
續遺經寄興屬霄漢搜題窮杳冥時詩人今古有誰占  
此巖靈雄談每抵掌豪詠即雕肝意與高秋潔心如具  
水寬坐言行豈負時出處還安應有玉堂夢寸心寧改

丹

題高義

天平山之下范文正之祠在焉其旁有園一區子  
孫世守其業行蹕偶臨因名之曰高義而賜以詩  
紆登下靈巖天下秀迎目即夷度溪町菜黃春麥綠入  
松復里許山莊清且淑林泉迴明淨蘭茝紛芳馥葱蒨  
入窓戶雲烟潤琴牘午橋義何取涑水樂非獨經臨望  
祠宇徘徊慕高躅文正之子孫家風爾其勗

白雲泉和白居易韻

雲色白石石包泉無色聲天太古閒聊步天平問泉脈  
喜逢白傳話雲間

法螺寺

取勝多因僻入山不厭深巖花標法喜埭竹空去聲禪心

雲態任舒卷泉聲自酌斟華峯窓戶裏曾倚笠亭吟

支硎山恭依

皇祖詩韻

支硎占斷古臨硎為愛寒泉謾入聽韶景無邊富度松  
巖不改是曾青

再題寄暢園

雨餘山滴翠春暮卉爭芳蹇薜盤雲際披松渡石梁鳴  
湍空塵意列岫淡烟光更許傳佳話遮留詩債償

泰孝然年

九十乞詩  
故書賜之

詠惠泉

石甃淙雲乳何從問來脈摩娑幾千載滌蕩含光澤澄

金匱山志卷二  
澈不受塵豈雜溪毛碧鴻漸真識味高風緬疇昔

北固山

北固當年戰守衝  
堯峯今見有喬松  
蘭舟來往纔經月  
翠黛新添幾疊濃

金山行宮即景

勾吳於越省方還  
解澤何稽載道頒  
重舉明禋謁鍾阜  
便紆清蹕駐金山  
樓臺入水紅翻浪  
楊柳當春綠掩關  
逾月風光異來往  
摩空塔影只閒閒

江寧駐蹕恭依

皇祖詩韻

下民疾若屨清詠晏處遑安慎一游

祖德巍巍期仰法俊才濟濟切旁求

試江南生監於會城將加錄用

六朝

文物資憑攬數日

慈寧奉豫留問俗平康宜正直無須式克用剛柔

過明故宮

六朝崇構早摧殘基剩明宮煙草寒木鳳已聞翔北闕

明至今四百餘年且在明則猶南京也不宜荒廢至此  
傳聞成祖建北京時移宮殿鉅材北上以備營建故柱  
礎石斲無恙惟木則無存或  
或信然蓋別有深意云 石鯨無恙枕春欄胡寬巧思

真重都

宮殿規制無不與北京同蓋北京木  
取式於此猶新豐之不改市肆也

鄒緝忠言

信不刊

諫成祖  
遷都者

周監在殷殷監夏凜然動念慘然

看

報恩寺六韻

路問長千里聲傳古寺鐘城頭瞻塔鳳溪口渡橋龍宛  
識清涼近真看瑞靄濃金輪三國始雁堵九霄重祝

馥香花列

南省紳士於此建壇恭祝

皇太后萬壽

摠誠紳佩從

慈寧無量壽長願過喬松

登報恩塔作歌

登塔有會心成句從塔下借問登時何不書攀躋應接  
真無暇我懷杜老登慈恩仰穿始出步步真當年筆硯  
誰供奉英雄未免還欺人七星北戶江西流天風入耳  
聲颼颼金陵自昔帝王州至今遺蹟歸浮休怪底禪林  
標宰堵應令心空萬古愁



雨花臺

崇岡跋馬晚春晴憑覽遺臺觸慨情  
便果雲光致花雨可能末路救臺城

謁明太祖陵

金陵莅止為巡方展謁龍蟠奠桂漿  
保護遺規崇勝國紹承

家法禮前王開基洵是過唐宋繼業無能鑒  
夏商形勝不須矜壯麗惟

天佑德慎周防

閱兵

曠暝晴午麗光春  
映日晶晶組練陳  
天塹長江稱地刊  
省方要務重安民  
放牛歸馬承平久  
踞虎蟠龍指顧新  
我適孝陵裡謁罷  
當時創業想艱辛

登雞鳴山卽事

鍾阜西去堆翠崖  
丹梯宛聽天雞啼  
元武湖光上眉睫  
金陵春色怡胸懷  
江山不厭城郭占  
閭閻半與桑麻皆

贍觀臺畔瞻

天藻烈並崇峯詎可階

清涼山

宛然溪流反徑長青雲五里夾松篁  
凌虛金覽秣陵景過刻剛消貝葉香  
城枕石頭低野色渡連桃葉澹烟光  
微名無實兼名泯恭到清涼意亦忘

題太平箭

金陵太平門其左扇一箭飲羽又餘箭  
痕者二為

順治年間取江寧時澹臺都統所射駐防人不忍  
湮其跡故常整緝存之經過竭覽輒成近體

人心天命向清時江表安能一木支況復處堂仍燕樂

福王于明亡之際南奔金陵仍與阮大鍼等日以聲伎為樂云豈能怒臂拒雄師膺揚

三箭皆飲羽烏合千軍盡例旂應勝天山樹邊續英名

長共石城垂

元武湖即景雜詠

太平門外進蘭舟元武湖中撰勝游款乃漁歌出蘆渚

治怡花影漾沙洲

鏡涵春水一篙深白芷青蒲刺碧潯却怪橫峯礙蘭棹

雞籠晴翠落波心

璿池昔亦號昆明遺跡蕭森入品評留得六朝風月在  
鷗波依舊照人清

燕子磯

當年聞說遶江瀾撼地洪濤足下看却喜漲沙成綠野  
烟村耕鑿久相安

永濟禪院花笑軒小憩

梯巖白閣靜籠戶綠筠幽花事春將暮樹姿陰已稠生  
憐早鶯囀聊為老僧留

默默和尚年  
一百一歲

屬念於何許雲停

江水流

觀音山

玲瓏懸峭壁漩瀾帶長江幕府遙開嶂樓船正掛雙濤  
聲在几席烟景卷軒窓葦渡西來意長明珠殿釭

靈谷寺六韻

蕭梁靈谷寺昔據獨龍中明卜元宮址新移碧嶂東於  
今四百歲不改八禪風壘甃攢雲殿雕瓊敞月宮蟠階  
松益翠倒井萌消紅佛地何興廢憑教萬慮空

閨織機者有作

皇祖勤民務早題耕織圖親看成帛者更惜授衣夫經緯  
絲無素朱黃素後殊雲門土鼓始大布慢嫌麤

寶華山慧居寺

松徑霏花雨香臺靄法雲  
范銅輝傑閣鏤玉穩蜚文  
寶

誌名長在梁皇籤尚聞芳飈舞錦卉仙籟韻瓊簣誰識  
隆昌舊從來名象紛澄觀忘萬慮小坐亦堪欣

麥秀

數日好晴催麥秀南方候早信今徵茆檐自覺收堪待  
蒸肆遙知價不增比隴懷新承露潤望秋欲實帶烟凝  
花村柳陌尋常攬愜意今朝喜絕勝

高資港

孝陵未讀柳州論繼世旋看禍亂紛詎可長江恃天塹



金定四庫全書  
卷二  
早教高港覆舟軍金川守禦終無濟瓜蔓誅夷不忍聞  
一死齊黃難贖罪獨憐氣節在斯文

渡江

吳越巡方兩月周長江迴汎木蘭舟風恬北指瓜州渡  
天朗西窮巫峽流花有繁紅識津口樹多佳蔭出城頭  
高旻寺行宮即事

塔影遙瞻碧水隈北來駐蹕又南來風光一日更春夏  
俛仰幾時經往迴燕促殘紅點瑤席鶴行濃綠印蒼苔

江城晚晚猶牽興隄外蘭舟且慢催

過淮安

檣鳥五兩順瞬息將百里郡城臨清淮蜿蜒聳堞堆土  
堤興城齊一綫束流水切近俯閭閻意外虞艱恃讓水  
勢不能保障惟藉此甃石費雖鉅為民無惜理爰以命  
河臣形勢大端指歸舟相去聲設絕稍慰勤民意叶來來  
司水土欽哉聆從後旨有孚我弗問匪懈汝其矢令堅  
比墉母俾穿於螳

洪澤湖

具區昨遙望，浩汗含咸池。洪澤茲重臨，瀕洞撼地維。尾閭有籌畫，駕言親閱之。西瞻天無際，南睇山一絲。蘋末息微風，濤聲萬馬馳。須臾排雪山，拍岸還參差。漁舟及賈舶，出沒銀雲堆。觀者為膽寒，爾乃忘其危。熱中名利人，吁嘻可以思。

觀打魚

洪湖之水納百川，仰流鱗集多鯉鯉。水鄉民計欲一悉，

打魚早見來魚船烟波浩渺舴艋集苑罟潑潑羣魚急  
適口但取庖厨充跳身寧惜波濤失揚子銀鮓節尚早  
徐州禿尾未覺好鮮腥況匪性所嗜水族傷生殊不少  
岸旁竭覽命罷之首夏正育鯢鰈時

閱高堰壩示河臣

建堤以衛民民安賴堤利設仍民受災堤存亦何濟洪  
湖實巨浸高堰為障蔽猶虞盛漲時莫禦汪洋勢三  
壩建尾閘節宣原有制何人倡邪說強與安名字云開

天然壩每歲成故事吸川所不恤澇田所不許惟保石  
堤固河臣能事畢叶以此云稱職夫誰不能逮高斌覺  
此非力排向浮議戒以隣為壑下河實受惠但尚虞意  
外添壩請予示予謂三多多况五可輕試是與開天然  
實同名畧異因與定恒規率視昨歲例仍舊貫者三更  
新為者二三猶漲不減許可及次第下河數縣民庶免  
飢溺累昨過清江浦名宦堤旁祀皆昔保堤人對民能  
弗愧

久聞

久聞黃河尾漸淤審然民虞亟宜慮去歲春月閱永定  
騎牆行水吁可懼不啻尾淤河半淤夏霖堤潰果旁驚  
泛濫空懷瓠子歌至今未涸憐沮洳爾時南望增戚憂  
未識金堤何以護茲來兩度剪黃流水由地中直東注  
迴幹奔騰勢雄放雲梯達海須臾赴盛漲云或時拍岸  
要亦歸川得其故人言紛紜難盡信解疑要在親目覩  
叶因思永定原無尾不疏則淤理所固九曲源從天上

來宋元以後奪淮據

古之黃河在齊冀為歸墟自宋元以來漸南徙奪淮水之路並行入

海

齊驅赴壑有歸墟葦蕩寬深延套巨

自雲梯闕以下葦蕩延袤南岸

為十巨北岸為十套而清口淮水暢流會黃東注趨海之勢既專攻沙之力益助矣

迴異渾流善

變更去歲過憂今始悟

去歲閱永定河有未臨先懷憂之句

### 閱豆班集堤工

中河之水來青齊漕儲浮送輸京師春常苦弱夏苦壯  
節宣有道貴合宜去歲霖雨成異漲六塘達海疏洩遲  
河臣束手窘無策遂致蟻穴穿長堤哀哉吾民罹水患

廬舍飄蕩田淤泥蠲租賑粟縱不惜豈始樂業免溺飢  
芟楫并力亟堵築宣房速就頗得之設堤本以禦民患  
不免衝決患益滋補偏救弊賴無隱博施膏澤何稽時  
臨堤東望增吁嘻

桃源耕者

桃源耕者存古風千畝合作衆力攻彼此借助相通融  
不勞長官頻課農鳴鑼召呼羣來從閭閻親睦和氣濃  
渡河經川舟可通閱堤策騎欣初逢兩浙三吳迴憶中



山容水態春翹經不無寄興吟題重未若茲者愜予衷  
不知有漢敦龐崇泉明記豈徒鑿空寰宇如是信大公  
垂裳南面正已恭但思民欲難強同力田任恤俗化隆  
為爾更切祈年豐

過宿遷縣

宿遷去歲灾加賑早降旨南巡春月過問閭閻色未起憑  
與怒予愁是皆吾赤子鳩形或伶仃露肘多盤纏叶未  
見切厯懷况乎親見此不亟令安全豈其勤民理加矣

寧再加庶乎免轉徙承宣有職司供帳何藉爾留茲總  
大綱庶吏爾任使賑貸便宜行毋遺寧濫矣更戒忽遐  
陬惟飾經途邇迴鑾忽兩月被野麥秋美民心賴以定  
吾亦因之喜進詢方伯臣三縣率如是  
見前詩謂宿遷桃源清河元  
氣詎易復稍救燃眉耳黃童及白叟駢肩道旁跼言謝  
爾莫頻尚冀歌盈止

入山東境

南巡經兩月北上入三齊綠重雲千頃黃滋雨一犁馳

驅戒緹騎瞻就任黔黎樹影連村暗烟光羃野低寒輕  
柳藏絮露重草含萋迴望江鄉渺無須惜解攜

麥

青齊麥為秋民食茲攸繫南郡處下游衆水所歸地惟  
恃夏收稔粗具終歲計去歲秋復潦拋荒畊未備春巡  
悲民艱切切愁弗置蠲租早施恩加賑豈稽惠迴鑒重  
經過田功覘次第來牟撲隴青懷新暢生意民心賴以  
定吾意亦因慰

雨

北方春末夏初時強半愁腸盼雨遲獨喜今年飛絮候  
似逢南國熟梅期度川乍惜青山失霏隴偏欣綠麥滋  
却為多人跋泥淖眼前真境繪蘇詩

喜晴

黍禾阡陌播耕齊近遠新霑雨一犁更值快晴風日好  
旅人跋涉免衝泥

麥秀

江南見麥秀已遲春之杪

江南人謂今年春寒故麥秀稍遲不然尚應早旬日青

齊見麥秀正及初夏早冀北風候夙所知麥秀孟夏婪  
尾時更聞閩粵當此際早充餅餌供晨炊自南自北皆  
吾民乘時因地力作勤歉多豐少良苦辛歉為憂愁豐  
為欣欣不藉人慰愁亦無人分控轡見此含含者不令  
蹂躪馳車馬老翁鞫脰道旁跼停鞭一問資生計翁言  
昨歲被偏災幸望麥收無麥稅

謁岱廟

盛宗遙望謝重登岱廟森嚴玉陛升只有豐年祈帝貺  
愧無明德荅神憑唐槐漢柏形容古時景民風氣象增  
迅矣三年成瞬息向來欣戚總難勝

賦得麥浪

非烟非水蹙紋如高下層層卷復舒生意肯教藏化蝶  
祥符瑞合兆維魚三山碧海乘風近九穗黃雲湧雪餘  
便泛虛舟詎憑險田農將以傲溪漁

渡運河即事

濃露暄曦初夏天虹橋迤邐緩鳴鞭運河重渡踰三月

衡水遙源溯百泉

百泉即衛源去  
歲曾至其地

東國漫留西去馬南

風仍送北來船青郊麥秀搖晴浪所幸占秋兩省連

紅杏園

別館迴巡踈閒齋書史陶偶然半刻逸無乃衆人勞紫  
燕營化棟賴魚簇錦濤新題成舊什邈爾憶含毫

讀通鑑綱目

三五以前蹟杳茫三五以後滋益詳編年事例自涑水

正紀褒貶推紫陽列眉指掌示法戒四千餘年治亂彰  
武帳幾餘一緡閱豈因巡狩懈就將但經觸目心輒驚  
不為博覽供詞章

雨

低野繁雲傍晚濃為霖疎密復春容清塵解熱頗宜旅  
飽麥滋禾實利農北地希逢慰心切南江遙望寄懷重  
又因盼霽歌漸石人欲奚能天盡從

晴



平效快霽景暄妍絕勝江鄉潤溽連最愛懷新高下意  
綠疇行處緩催鞭

迴鑾趙北口駐蹕

綠柳護堤修

鄭州北名萬柳堤

南巡返翠旂鏡光條改觀

去聲駒

影信如流渚館聊停蹕芸齋一縱眸遠帆窓裏度永漏

座中留即景思江國連程指帝州明當展弗集預命罷

龍舟

節近午日有司陳競渡之戲以詰旦日食先期修省已之


恭奉

皇太后南巡迴鑾之作

清溫序乍更春夏往返程將歷六千法

祖娛

親殷念遂省方問俗惠心宣所期赤縣足衣食頗慮南邦  
尚管弦百歲修和匪易致勤思保泰益欽旃



欽定南巡盛典卷二

欽定四庫全書

史部

欽定南巡盛典卷三

四

詳校官國子監學正臣常循

欽定四庫全書

欽定南巡盛典卷三目錄

天章 三

乾隆二十二年丁丑

御製古今體詩



欽定四庫全書

欽定南巡盛典卷五

天章

丁丑

直隸

山東

詩

恭奉

皇太后南巡啟蹕京師疊辛未舊作韻

有序

疆圉肇歲正條風應律之初太族開陽協始和行  
慶之候爰諏令旦再舉南巡溯前度之遊歌星周

六稔奉

安輿而蒞止路指三吳翠羽金支掖

輦長依愛日黃童白叟迎鑒更慶瞻雲問俗觀風顧問問

而求瘼敷膏布澤輦井里之蒙庥舊韻重賡七言

述志

澤國省耕紀憶辛山川韶秀信無倫前秋適值逢灾歉

昨歲因之罷豫巡

前降旨丙歲南巡以乙亥江浙秋澇停止

索籥轉旋農慶

稔黔黎籲請志重申肆鳴帝里和鑒駕一慰江千望幸



民再奉

安輿出長樂徐遵廣陌衛勾陳青郊喜見餘晴雪綠麥行  
看發始春淑氣眼前

天與益詩情馬首日迎新乘時展義非無事敢廢軍書裁

決頻

時準夷酋長巴雅爾等構釁命將擒討西北兩路軍書令其直達行在

駐蹕良鄉行宮作

青旗練吉指姑胥元氣憑肴果復諸五載狩巡方過一  
三春景物恰臨初明窓溫席清依永昔日今時靜賞餘

到處樓遲有行館兩言慙愧是懷居

良鄉行宮疊舊作韻

首頓庭軒近帝里長途車馬指胥江不遷者問伊誰是  
風在寒檐月在窓

欲悉災餘耕織勞南巡詎為事清邀江山秀亦天然助  
頗覺遄飛興已豪

邇來頗有南來者都道羣黎望幸情然乎疑信吾猶半  
信者吾表保赤誠

塔影凌空曠野南  
節前古月正清酣奉

慈薰欲同民樂趙北燈宵即景探

辛未南巡十三日起程故即在此陳燈火今歲

以十一日起程命於十四日趙北口  
皇太后賞燈並許民同觀也

### 弘恩寺二首

蘭若康衢側往來路必經  
松門宛舊識蓮梵亦堪聽  
佛豈較今昔物皆肖色形  
東軒更幽絕片刻為延停  
蓮社

傳清派精脩奉羣提

羣提華言律戎也

提戈渾一室豎拂斥多

蹊誰是忘懷者徒成著我弓  
莊嚴斯信好可以覺凡迷

琉璃河

東風解凍春波決長橋飲練將百丈雁齒枕陸接石衢  
中流曾無十尺廣徒勞人力此胡為勝朝遺跡得誥訪  
叶權璫桑梓乃在茲春秋祭掃來往有司畏畏勢為修  
塗葆蓋穩驅平似掌極人凶鯁一至此朱家宗社將奚  
仗適來固節度鹽溝架木吾猶發官帑守關豈得盡廢  
斯惕然以懼畢然想

涿州行宮作

練吉巡江國重臨凹字城軒楹無藻飾几席有餘清興  
與新春發心依古月明金吾何必禁爆竹喜聲聲

涿鹿行再疊舊韻

影燈喜爆開郡城民風豐歎覘經行行宮晚景正清絕  
壁詩歲月標分明西征士騰馬亦饑緣緣

天湊時誠好其如審勢乏人為

西師所至仰蒙  
可刻日廓清而統兵諸臣

天佑

各分彼此

狼子野心殊詭巧降蕃變亂因畏尤

阿睦爾  
撒納巴

爾雅等皆因受恩驕恣自知罪  
狀暴著懼懼誅討遂決計叛亂

反面不顧恩遇稠聲罪

致討重整旅肯使脩德殘生留七擒南人不復反三年  
克之鬼方收身此南巡心西海宵衣寧憚軍書修

再詠紫泉行宮十景

啟軒

一區十畝縣城陞密室啟軒各得宜路便重臨風日好  
吾心與物共春熙

屏山

門逕縈紆足幽趣一拳亦自得稱屏設如真展瀟湘畫

翻厭施丹與著青

鏡湖

去年波影開奩澹今日冰光照座新可識凍融何礙鏡  
往來都是鏡中人

舫室

重宇湖心還號舫層層疊石固階基載舟得託常安穩  
吾亦因之悟所宜

棧亭

棲崖一笠只容身滿受春風迴出塵設擬應真留下物  
能參背觸又何人

虹橋

朱闌詰屈不嫌長勢作垂虹飲練光天水心情斯小試  
遶飛興早到維揚

魚罾

未出輕條凍尚凝不教綴景設魚罾當春生養資涵煦  
育物吾心別有憑



石逕

豎峯曲棧致多佳屨步因之到竹齊却是小窻堪望遠  
村居野幙入觀皆

竹埭

琅玕幾個得天然便擬坡仙與懶仙此去雲棲幽絕處  
明知萬玉夏晴烟

箭廳

悅心惟是勵無逸觀德端知重有方駐輦恒因試弧矢

承平武備詎宜忌

趙北口行宮三首

萬柳隄臨淀熏黃未發青  
渚宮實瀟灑節夕此居停  
大吏陳烟火勤民豈政經  
屬緣奉

豫不罷且權廳

西窻猶納遠游目每教憑  
春氣怡還裊水光融間凝  
雁回欣翼接魚陟乍鱗矜  
遙浦村民集待看入夜燈  
魚釜還蠲斲生計淀村俱  
那藉名家畫真披漁家樂  
圖波將

暖鷗鷺洲未長菰蒲正助萌陽候因之罷水虞

命免天津府所屬積欠詩以示直隸總督方觀承

去歲秋告登編氓鮮逋賦今春駕南巡免三逮經路

南巡

經過直隸州縣今歲應徵正供免十之三津門近海濱下濕多沮如積欠非

一朝致然豈無故與民樂休息保赤吾裘素新恩所不

及曲體惟要務帑則免其徵糧亦豁其輸問閭留有餘

是豈非藏富

叶

長官善推行莫容胥吏蠹

上元前夕趙北口行宮侍

皇太后觀燈火即席得句

晚來風定紫瀾收  
預夕承

歡樂事稠座裏同  
欣上元節渚邊亦有慶  
宵樓垂虹百道  
連水朗結綵千葩  
映雪留箭影飛空  
數無萬作朋

慈壽祝添壽

長隄

迤邐長隄度六駟  
詩中景趣畫中探  
七橋梯柳黃金嫩  
兩淀水綠玉涵悅  
可水鄉經趙北早  
教春意遞江南村

民夾路尊親共富教難臻用此慙

上元節賜隨營諸臣食

五日吉行早駐鑾節朝賜食扈隨官琅霜粃妝頌羣座  
星海魚龍舞七槃元夕所欣逢蹕路一家何處不長安  
東風弗妒明蟾滿更待銀花入夜看

日日

日日迎鑾瞻就民百年休養此牲牲試看幼挈老扶者  
盡是寒衣饑食倫庶矣能無絲粟貴教之何有俗風淳

從來保泰惟難事今日其難倍古人

紅杏園再疊前韻

練日巡江國乘春發鳳輦昨歲告武成憶曾於斯館豈

知馳捷旌詭計事後顯

去歲以伊犁底定親告孔林起鑒時擒獲阿睦爾撒納之報

適至閱數日乃知叛賊誑言以懈衆志統軍正不審其謬遂馳露布久之屢失機宜迄未擒賊因正軍帥之罪

云

三軍賴司命一籌何莫展選將更整旅問罪王師遣

去歲以阿睦爾撒納未就獲故懷觀望如巴爾雅之類巴爾雅之類者旋復構亂因更命喀袞札布為定邊將

軍以今春統索倫察佇待奏膚功勘亂靖鄙善  
哈爾等兵進討堵逆

過景州

曉春薄寒峭驛路惠風柔輕憶臨修市前驅指德州村  
烟暗柳眼塔影矗城頭敢井民風驗燈棚節物酬羣黎  
來不約一老盍無留

往歲過景州致仕尚書魏廷珍輒  
迎道左頻賜以詩去歲盍逝故及

之故舊淒然睽誰真仝美儔

劉智社

古社界燕齊舊名存劉智聞昔呂思誠今修稱循吏五  
馬巡民間曾以行田至均徭勸樹畜彰善與農器吾黨

直在隱李氏感兄弟安得如斯人郡縣各一置歷久觀  
厥成無而自治

賜衍聖公孔昭煥

蹕路趨迎領一門詩書教澤泗洙源卿來處早予心往

大禮方行不欲煩

去歲親詣闕里釋奠故今歲不復往僅按例遣官致祭云

德州行宮示山東大小吏

未敢深宮自宴居省方展義每厘予按程移帳安猶便  
擇向開軒費則虛一宿遷他賞何有萬民得所樂寧如



由來不說惟成事  
去歲巡撫愛必達于德州建行宮以備南巡入東境首程宿頓將訖工乃入奏因成事不說故仍之然朕所不取也  
此後無需慎戒諸

燕九日奉

皇太后觀燈火

燕值邱仙節燈陳鬲氏墟火城張大野綵閣奉

安輿孔雀千屏金蓮萬朵舒鸞車朝絳闕龍馬負舟

書勝賞真無數圍觀共樂胥兆民齊祝

壽壽指泰山如

駐蹕德州行宮作

行春南去三千里問俗東來第一程但得清塵儘表敬  
豈期作室儼觀成橋銀樹焚燈燦火棗金芝應節榮入  
皮肩輿不呵禁為田久矣此民情

再依

呈祖德州即事詩韻

去歲告功至紅旗又報初元戎墮詭計未讀六韜書闕  
里茲弗臨遣

祭辦香肅翠早指江南早喜東風燠

賜山東巡撫鶴年

粵海旬宣久青齊治

平聲

撫掄嘉伊品榮為我我牧元元

坐鎮青油幕扈隨紫氣軒驅馳何足貴善政勉徐源

麥二首

鳴鞭過禹城滕麥綠方萌經雪膏猶潤迎風浪未生  
宣言避騰躡滿意入吟評野老修春耒行將舉趾耕  
春入年前早南來氣復暄芄烟新染翠茁壠密含溫  
農務從

頭起民依箇裏存兩岐寧上瑞普獲乃真恩

徒駭河

神禹治河乃最神當時猶治人徒駭三十年後智非禹  
問勝此任誰能解徒駭極北鬲津南其間大都九河在  
相去乃至二百里同為逆河方入海今河不過數里餘  
安得修防不日治將欲棄地讓之水億萬生計嗟瓦解  
即禹治今河應難是吾蒿目所以乃

降旨加賑去歲被水五州縣

去歲河北溢乃自無隄處填築失疎畧遂有奪溜慮

至河

孫家集以北無隄黃河漫河所過汕刷成渠者水落後  
一一填築以禦來歲汎漲上年河臣經理疎畧致黃河

北流幾至奪溜臣命大臣堵塞而當河溢時上流  
諸州縣積潦無可宣洩束省魚臺等處遂致成災芟捷

亟堵塞乃得歸故路積水則已多五郡當其劇尾閭苦

泥淤當春尚沮洳田正需時耕犁早云誤新正例施

惠加賑曾頒諭今來緣南巡民艱悉經度何妨一再加

蘇此懔獨庶嗟爾親民官推行體休助

雪三首

正月二十日

東風拂幃車覆雪忽交加沿路勢添密依人飛故斜連  
膝藏綠毯大野捲銀沙既慰還因慮寧無凍麥芽行宮  
午駐蹕六出尚漫漫坐我氊廬暖思人布帳單收來煮  
小鳳望去舞翔鸞功德明當莅方山靈巖寺巖  
高處日功德頂千巖積  
素看

廣甸含膏潤問知冬雪多得斯誠益善惟是奉中和澤  
被東南畝花開頃刻科皇州七百里霑否意如何再依  
祖南巡過濟南韻

清蹕重過歷下城柳絲遲放麥芽生觀民未覺足衣食  
敦政深慙措治平繩

武勉思堂構肯祝

釐欣願海山盈靈巖聞道多奇秀佳氣遙看馬首橫

曉發峒山

雲封昨過藏松色

峒山上  
多松

雪積今看績巘姿清致山程

途不易却教回首立移時

雪後春朝生峭寒輕裘暖幘意遑安為他道左來黎庶

粗布衣猶纈絮單

連朝劇暖換棉裝一雪青郊頓作涼凡事如斯難逆料  
鞠躬誰是昔南陽

春山迤邐度朝晴卓午還逢薄暖生旅況暄寒人自備  
所欣連隴麥方萌

駐蹕方山

濟北名山駐玉符欣於始遇暢清娛梵宮高下羅諸岫  
行殿樸淳別一區容膝已安謂多矣奇觀何限詎窮乎



潤州此去樓霞攬吉甫均標十道圖

靈巖寺

方山方有靈巖寺吳下靈巖不獨靈立字安名由箇箇  
今來古往鎮亭亭砌瓴塔尚千雲矗卓錫泉常注竇渾  
希有佛曾出現地既云希有現何形

題靈巖寺八景

巢鶴巖

法定開山有鶴瑞羽衣鴈鴈駐雲峰至今月白風清夕

彷彿東坡夢所逢

甘露亭

泉疏甘露淙淙亭子因仍甘露名用汲誰工註及汲象  
馬邈曾是嘆王明

卓錫泉

泉臨卓錫一亭幽萬壑千岩景畢收最喜東南縹緲處  
澄公常共朗公游

摩頂松

高松西指為求經般若真詮泯色形假使虬枝解更向  
定知糟粕是青寧

鐵袈裟

片鐵為衣狀水田滄桑幾閱鎮精堅誰云五葉一花止  
試看伽犁萬古傳

白雲洞

雷雷英英相後先穿雲忽上白雲巔春郊方待一犁雨便  
可為霖潤大田

峰枝澗葉未芬芳祇有天花撲鼻香底事座來都不著  
維摩室裏即斯床

愛山樓

縈青繞白相入聲氤氲無色聲天大塊文著個橫樓真恰  
當四時佳氣與平分

過泰山再依

皇祖詩韻

方山一宿停清蹕泰岱巖巖見舉頭南指遙程春曉發

東來紫氣馬前浮

聖踪永古並崇岳

愷澤於今在九州縱是瞠乎嗟莫及

覲揚敢不意深留

靈巖石路盤山脚齊甸春光動陌頭繁衍遙從西峪度  
龍嵒不礙曉烟浮辦香寸意馳仙闕與地千年鎮兗州  
憂樂向來何處著思量結習豈應留

望岱廟寄題

皇林取路向西移敬仰

崇祠一念馳作鎮配

天首五岳

廟中

皇祖

御書

居方出震佑嘉師唐槐虞

天作鎮

柏應依舊秋月春風又幾時香帛太常依例遣

車駕經山東境

禮官奏遣大臣齎香帛告祭岱宗修故事也

祈年惟是禱無私

賜山東學政謝溶生

聖賢桑梓地俊秀鑑衡司勝任誠非易不鯨在有為遷  
喬思已早刈楚念人遲士習民風倡勗哉法則持

渡汶河

三汶茲為大千秋帶魯郊原山溯源出濟水匯流交凍  
解遲蒲刺清波下鷺抓方春生養候未擬網罟拋

填倉日二首

前章即景後章抒懷

春朝廿五客中過烟火千村入詠歌節以俗傳聊聽去聲  
俗義緣多稼宣辭多九州誠使倉箱足萬姓自然長  
和旋願迎鑒總總輩盡資衣食計如何

屈指為期十二過

慧賢皇貴妃以乙丑年是日薨逝

可堪回憶是耶歌

悲歡展轉都來幻歲月推遷積以多永巷羣維式儀則

中宮素服喜祥和三年又辭予去

孝賢皇后以戊辰三月崩于德州

舟次難向君平問若何

復雪三首

曉報濃陰冪遠巒雨緣春暖雪緣寒雖然膏澤無分別  
恐釀嚴凝意未安

六出昨逢頗益麥千林今詩復裝梅設云入畫斯誠善



而我寧因看畫來

霏霏著地旋消融積處都無一寸蒙  
歷覽吾心方稍慰  
午餘還放日輪紅

至泉林二首疊舊作韻

無多室宇淳而朴咫尺泉林秀且明  
芳勤杏花春未放  
素皴杞樹雪初晴  
窻櫺好景隨心會  
壁額前題向客迎  
民氣安和歲中上  
省方緣此一怡情

襁辰昨歲雨餘至  
春孟今朝雪裏來  
宮是

皇曾駐憩輦扶

母喜趨陪西瞻

曲阜增顙爾南指江鄉已近哉不異前茲惟問夜軍書

籌畫為惶徊去歲駐此已覺紅旗馳報浮虜為偶暫令策楞等進兵終以路遠遲延坐失事機而

逆醜未獲懷首鼠者旋復猖獗故今歲更籌進兵致討耳

再題泉林行宮八景

近聖居

高齋樸斲適居安映帶清流多激湍拈筆還思去藻句

句新題近聖額簷端

在川處

石鱗淙淙清且漣如斯不舍向長川名依夫子垂終古  
理註魯論在目前

鏡瀾榭

石髮經冬碧轉深每來曲榭必憑臨  
開奩設以菱花擬定是秦臺照膽金

橫雲館

曲抱迴廊鏡樣圓三間虛榭聳中天有時一片雲生彩  
恰似廣寒霄漢懸

九曲釣

溶溶春水漾蘭苕碧柱朱欄窄柳條合是武夷最深處  
便當屨步躡虹橋

柳烟坡

新梯欲放曉寒輕低泮朝烟一縷橫今歲春來節令早  
已憐舉眼盼清明

古蔭堂

古樹曾經蔭古人  
今人對樹樹如新  
由來樹不知今古知  
者誠為未出塵

紅雨亭

一亭文杏四鄰圍  
寒勒花枝未染緋  
却憶去年臨上巳  
垂簾紅織雨霏霏

蒙陰積雪再依

皇祖詩韻二首

金史四八  
卷三  
城過顯史憶古封南巡為省織將農蒙陰雪後賡

前韻大塊文章占素峰

平田融未麥根封為問農言不害農却續前遭景如舊  
幾曾積玉在堯峰

望蒙山雪色再成疊舊作韻

積雪蒙山又昔同行軒妙趣靜憑中蘇家詩愛尖吟軾  
王氏畫看皴是蒙路指東南迎暖日首迴西北峭寒風  
遐心憶到伊犁塞佇待王師早建功

萬松山小憩

衆山多濯濯一嶠獨蒼蒼想有靈祇護如看圖畫張清  
齋梵宮側古籟午陰涼小憩登程去拈毫興已償

賜河東總河張師載

疏濬期嘉績修防董衆寮詎予惟使過勵汝尚更調

張師

載前任江南副總河以徇庇悞公與高斌同獲罪既念其人素謹朴復如錄用茲命代白鍾山為河東總河伴得改弦  
法在遵潘訓文寧藉鮑昭魚臺全涸未舉趾待

春朝

欽定四庫全書

卷三